

## Sambutan Hari Sukan Galak Warga UMP Amalkan Gaya Hidup Sihat



Pekan, 10 Oktober- Pusat Sukan Universiti Malaysia Pahang (UMP) menganjurkan 'UMP Pekan Sports Day 2015' (UPSD 2015) bersempena sambutan Hari Sukan Negara 2015 yang disambut seluruh negara baru-baru ini. Hadir memeriahkan sambutan, Timbalan Naib Canselor (Hal Ehwal Pelajar & Alumni), Profesor Dato' Dr. Yusarie Zainuddin dan Ketua Pusat Sukan, Mohd. Aznorizamin Ismail yang turut bersama-sama pelajar UMP menyertai Senamrobik Perdana UMP Pekan.

Menurut Prof. Dato' Dr. Yusarie, program ini diadakan bagi menyahut seruan dan hasrat negara bagi menjadikan setiap masyarakat bergiat aktif dalam bidang sukan dan rekreasi.



"Program ini yang melibatkan penyertaan hampir 1300 orang pelajar UMP Pekan telah dianjurkan selama dua hari iaitu pada 9 Oktober hingga 10 Oktober lalu. Program ini juga telah dimasukan di dalam Tentatif Hari Sukan Negara 2015 peringkat Daerah Pekan, Pahang," katanya.

Tambah beliau, penganjuran Hari Sukan Negara ini adalah penting dalam usaha bersama menggalakkan warga UMP menerapkan amalan budaya hidup sihat, cergas dan aktif serta membantu pelajar universiti tampil cergas dan cerdas



Beberapa acara yang dipertandingkan adalah Futsal, Bola Tampar Lelaki dan Wanita, Bola Jaring, Sepaktakraw, "Night Orienteering" dan UMP Pekan Run 2015. Lebih menarik kebanyakan acara sukan yang dipertandingkan adalah pada waktu malam dan memberi kelainan tersendiri penganjuran pertandingan kali ini.

Sementara itu, perlawanan akhir Futsal (Night Games) di antara pasukan Fakulti Kejuruteraan Mekanikal (FKM A) dan Fakulti Kejuruteraan Elektrik dan Elektronik (FKEE A) menyaksikan kemenangan berpihak kepada pasukan FKEE A , 2-1. Tempat kedua milik FKM (A) dan ketiga FKM (B).



Pertandingan sepak takraw dimenangi FKM (B) diikuti FKM (A) dan FKEE (A). Keputusan bagi sukan bola tampar lelaki dijuarai FKM A. Pertandingan UMP Pekan Run (Wanita) dimenangi Nurul Amirah Mohd Rafie di tempat pertama diikuti Shahnaz Sakinah Shaiful Bahri ditempat kedua dan Nur Liyana Zainal Abidin di tempat ketiga. Bagi lelaki dimenangi Thinnieshkumaran A/L Ruggarudee, naib johan Laang Shian Heong dan tempat ketiga pula Amirul Farhan Daud.

**Berita disediakan Azazi Mamat dari Pusat Sukan UMP dan gambar ihsan Media Massa UMP.**

Posted By : NOR FADZILLAH BINTI ZULKIPLI Date Posted : 26-10-2015, 14:40:12